

სამოსამართლო გამოცდილების არმქონე მოსამართლეობის კანდიდატის შეფასების ფორმა

მოსამართლეობის კანდიდატის ლალი აბაშმაძის შეფასების შედეგი:

| მოსამართლეობის კანდიდატის შეფასება კეთილსინდისიერების კრიტერიუმის მიხედვით |               |                                     |  |
|--|---------------|-------------------------------------|--|
| მოსამართლეობის კანდიდატი არ აკმაყოფილებს კეთილსინდისიერების კრიტერიუმს     |               | <input type="checkbox"/>            |  |
| მოსამართლეობის კანდიდატი აკმაყოფილებს კეთილსინდისიერების კრიტერიუმს        |               | <input type="checkbox"/>            |  |
| მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს |               | <input checked="" type="checkbox"/> |  |
| მოსამართლეობის კანდიდატის შეფასება კომპეტენტურობის კრიტერიუმის მიხედვით    |               |                                     |  |
| კრიტერიუმი   | მიღებული ქულა | მაქსიმალური ქულა                    |  |
| სამართლის ნორმების ცოდნა   | 21            | 25                                  |  |
| სამართლებრივი დასაბუთების უნარი და კომპეტენცია                             | 22            | 25                                  |  |
| წერისა და ზეპირი კომუნიკაციის უნარი  | 18            | 20                                  |  |
| პროფესიული თვისებები   | 15            | 15                                  |  |
| აკადემიური მიღწევები და პროფესიული წვრთნა                                  | 9             | 10                                  |  |
| პროფესიული აქტივობა  | 0             | 5                                   |  |
| ქულათა ჯამი  | 85            | 100                                 |  |

სახელი, გვარი: ლევანი თევზაძე  
თარიღი: 16.09.2024





## საქართველოს იუსტიციის უმაღლესი საბჭოს წევრი

### ლევანი თევზაძე

2024 წლის 16 სექტემბერი

თბილისი

საქართველოს იუსტიციის უმაღლესი საბჭოს 2024 წლის 28 ივნისის №1/52 განკარგულებით დაწყებულ, საქართველოს რაიონული (საქალაქო) სასამართლოების მოსამართლეობის კანდიდატია შესარჩევ პროცედურაში მონაწილე კანდიდატის - ლალი აბაშმაძის

### შეფასება

#### 1. პროცედურის შესახებ:

საქართველოს იუსტიციის უმაღლესი საბჭოს 2024 წლის 28 ივნისის №1/52 განკარგულებით, დაიწყო საქართველოს რაიონული (საქალაქო) სასამართლოების მოსამართლეობის კანდიდატთა შესარჩევი პროცედურა, მოსამართლეთა 17 ვაკანტურ თანამდებობაზე, მოსამართლეობის კანდიდატთა შესარჩევად.

მითითებულ პროცედურაში კანდიდატად დარეგისტრირდა ლალი აბაშმაძე.

საქართველოს იუსტიციის უმაღლესი საბჭოს შესაბამისმა სამსახურმა, „საერთო სასამართლოების შესახებ“ საქართველოს ორგანული კანონის 34<sup>2</sup> მუხლით დადგენილი წესით, მოიპოვა ინფორმაცია კანდიდატის შესახებ, რომელსაც გავეცანი დეტალურად.

,„საერთო სასამართლოების შესახებ“ საქართველოს ორგანული კანონის 34<sup>1</sup> მუხლის მე-8 და მე-10 პუნქტებით დადგენილი წესით, 2024 წლის 2 სექტემბერს, ჩატარდა კანდიდატის საჯარო მოსმენა.

საჯარო მოსმენის დასრულების შემდეგ, „საერთო სასამართლოების შესახებ“ საქართველოს ორგანული კანონის 34<sup>1</sup> მუხლის მე-11 პუნქტით დადგენილი წესით,

კანდიდატი, როგორც სამოსამართლო გამოცდილების არმქონე, შევაფასე - „საერთო სასამართლოების შესახებ“ საქართველოს ორგანული კანონის 35<sup>1</sup> მუხლის მე-15 და მე-16 პუნქტების შესაბამისად.

## 2. ინფორმაცია კანდიდატის შესახებ:

**საქართველოს იუსტიციის უმაღლესი საბჭოს შესაბამისი სამსახურის მიერ მოპოვებული ინფორმაცია:**

კანდიდატი 43 წლისაა. აქვს უმაღლესი იურიდიული განათლება (სამართალმცოდნეობის სპეციალობით, წმინდა გრიგოლ ფერაძის სახელობის თბილისის უნივერსიტეტი, 2003 წელი). სპეციალობით მუშაობს თითქმის 19 წელია, კერძოდ:

- 2005 - 2007 წლები - სხდომის მდივანი - თბილისის სააპელაციო სასამართლოს ადმინისტრაციულ საქმეთა პალატა;
- 2007 - 2023 წლები - მოსამართლის თანაშემწე - თბილისის სააპელაციო სასამართლოს სამოქალაქო საქმეთა პალატა;
- 2023 - 2024 წლები - იუსტიციის უმაღლესი სკოლის მსმენელი და კურსდამთავრებული.

კანდიდატის შესახებ წარმოდგენილია რეკომენდაციები, რომლებშიც რეკომენდატორები კანდიდატს დადებითად ახასიათებენ და მიიჩნევენ, რომ ის სრულად აკმაყოფილებს კეთილსინდისიერებისა და კომპეტენტურობის კრიტერიუმებს.

კანდიდატი ლალი აბაშმაძის შესახებ ინტერნეტ სივრცეში არ არის ხელშისაწვდომი რაიმე სახის ინფორმაცია. კანდიდატი სარგებლობს სოციალური ქსელით. არ ყოფილა პოლიტიკური პარტიის წევრი /მხარდამჭერი/ შემომწირველი.

კანდიდატი სახელმწიფო ბიუჯეტის მიმართ არ ერიცხება დავალიანება; აქვს მიმდინარე სესხი, აქვს დადებითი საკურედიტო ისტორია. კანდიდატის სახელზეა რეგისტრირებული შემდეგი უძრავი ქონება: მიწის ნაკვეთები - ოზურგეთის მუნიციპალიტეტში, სოფელ შემოქმედში - 2000 მ<sup>2</sup> ფართით (25%), 1000 მ<sup>2</sup> ფართით (25%), 3400 მ<sup>2</sup> ფართით (25%) და 3600 მ<sup>2</sup> ფართით (25%); საცხოვრებელი ბინები თბილისში: 35.13 მ<sup>2</sup> ფართით და 45.3 მ<sup>2</sup> ფართით. უძრავი ქონების რეესტრში არსებული ინფორმაცია შესაბამისობაშია მის მიერ წარმოდგენილ ქონებრივი მდგომარეობის დეკლარაციასთან. მეწარმეთა და არასამეწარმეთ (არაკომერციული) იურიდიულ პირთა რეესტრში არ არის რეგისტრირებული.

ზოლო სამი წლის განმავლობაში, კანდიდატი ერთ შემთხვევაში იქნა დაჯარიშებული ადმინისტრაციულ სამართალდარღვევის ჩადენისათვის, ჯარიმა გადახდილია დროულად. ასევე - ერთ შემთხვევაში დაჯარიშებულია ქ. თბილისის მუნიციპალიტეტის ტრანსპორტისა და ურბანული განვითარების სააგენტოს მიერ შედგენილი ადმინისტრაციული სამართალდარღვევის ჩადენისათვის, აღნიშნული ჯარიმა ასევე გადახდილია დროულად.

საქართველოს საერთო სასამართლოებში წარმოებულ დავებში კანდიდატ ლალი აბაშმაძის მხარედ მონაწილეობის თაობაზე ინფორმაცია არ არსებობს; კანდიდატი არ ყოფილა ცნობილი დაზარალებულად რომელიმე საქმეში; მის მიმართ დისციპლინური სამართალწარმოება არ გასხორციელებულა.

კანდიდატს არ წარმოუდგენია სამართლებრივი პუბლიკაცია ან ნაშრომი.

ლალი აბაშმაძე არის იუსტიციის უმაღლესი სკოლის XVII ჯგუფის მსმენელი:

- მოსამართლის საკვალიფიკაციო გამოცდაში მიღებული ქულებია - 76/21
- რიგითი ნომერი ჯგუფის საკვალიფიკაციო სიაში - 13.

დამოუკიდებელი საბჭოს შეფასებით, ადმინისტრაციულ სამართალში ლალი აბაშმაძემ გამოავლინა თეორიული ცოდნის პრაქტიკაში გამოყენების მაღალი დონე, აქვს სამართლებრივი ანალიზის კარგი უნარი. ნაწერები ჩამოყალიბებულია თანმიმდევრულად და ლოგიკურად. სამოქალაქო სამართალში მუშაობისას შესაფასებელი პირი პრაქტიკული დავალებების შესრულებისას იყო სწრაფი და დამაჯერებელი, ხოლო მისი დასაბუთებები ლოგიკური და გასაგები. რეკომენდირებულია მან იმუშაოს, გარდა ვალდებულებითი სამართლისა, სამოქალაქო სამართლის სხვა მიმართულებით, რათა უფრო მეტად გაიღრმავოს ცოდნა სამოქალაქო სამართლის სხვა ნაწილში. ხისხლის სამართალში მუშაობისას კანდიდატმა გამოავლინა ლოგიკური აზროვნებისა და საკუთარი პოზიციის დასაბუთების კარგი უნარი. რეკომენდირებულია მან იმუშაოს დროის მართვისა და კონცენტრაციის უნარების უფრო მეტად განვითარებაზე.

ლალი აბაშმაძეს მონაწილეობა აქვს მიღებული არაერთ ტრენინგსა თუ სასწავლო კურსში (მაგ: „ევროპის საბჭოს პროგრამის ფარგლებში ადამიანის უფლებათა სწავლება იურისტი პროფესიონალებისთვის“, „ირიბი მტკიცებულებებისა და სასამართლოს გარეთ გაკეთებული განცხადებების დასაშვებობა ოჯახური მალადობის საქმეებზე“, „სამართალწარმოება ადამიანის უფლებათა ევროპული სასამართლოსა და გაეროს სახელშეკრულებო ორგანოების სტანდარტების მიხედვით“ და ა.შ.)

ლალი აბაშმაძეს გავლილი აქვს მოსამართლის თანაშემწის სამთვიანი სასწავლო კურსი. ჩაბარებული აქვს ადვოკატის საკვალიფიკაციო გამოცდა.

კანდიდატი არ ეწევა პედაგოგიურ საქმიანობას.

კანდიდატი ფლობს ინგლისურ და რუსულ ენებს.

### 3. კანდიდატის საჯარო მოსმენის შედეგად მოპოვებული ინფორმაცია:

კანდიდატს საქართველოს იუსტიციის უმაღლესი საბჭოს წევრებმა დაუსვეს როგორც ზოგადი, ისე - სამართლებრივი შეკითხვები, სამართლის სხვადასხვა დარგიდან.

დასტულ შეკითხვებზე მისი პასუხები იყო თანმიმდევრული და არგუმენტირებული; თუმცა, გამოვლინდა გარკვეული ხარვეზები მის მიერ გაცემულ პასუხებში, კერძოდ: არასრულად ისაუბრა რეფერენდუმსა და პლებისციტზე, აბსოლიტურ უფლებებზე, წინასასამართლო სხდომაზე განსახილველ საკითხებზე, სისხლის სამართლის პრინციპებზე.

### 4. კანდიდატის შეფასება კეთილსინდისიერების კრიტერიუმის მიხედვით:

კეთილსინდისიერების კრიტერიუმის მიხედვით ნებისმიერი კანდიდატის შეფასებისას, მოქმედებს პრეზუმაცია, რომ კანდიდატი არის კეთილსინდისიერი, ე.ი. - აკმაყოფილებს „საერთო სასამართლოების შესახებ“ ორგანული კანონის 35<sup>1</sup> მუხლის მე-2 პუნქტით გათვალისწინებული ოთხივე მახასიათებლის (სამოსამართლო გამოცდილების არმქონე კანდიდატისათვის): ა) პიროვნული კეთილსინდისიერება და პროფესიული სინდისი, ბ) დამოუკიდებლობა, მიუკერძოებლობა და სამართლიანობა, გ) პიროვნული და პროფესიული ქცევა და დ) პიროვნული და პროფესიული რეპუტაცია - მოთხოვნებს, თუ წარმოდგენილი არ არის ამ პრეზუმაციის გამაქარწყდებელი, სანდო ინფორმაცია.

კანდიდატის შესახებ დოკუმენტური, ასევე - მისი საჯარო მოსმენის შედეგად მოპოვებული ინფორმაციის (იხ: ამ შეფასების მე-2 პუნქტი) ანალიზიდან გამომდინარე, გაირკვა:

ბოლო სამი წლის განმავლობაში აღმინისტრაციულ სამართალდარღვევებზე პასუხისმგებლობის დამდეგნი კანონმდებლობით გათვალისწინებული 2 სამართალდარღვევის ჩადენა არ ადასტურებს, რომ „კანდიდატს“, როგორც მოქალაქეს, არ აქვს მოვალეობებისა და პასუხისმგებლობის შესაბამისი შეგნება. „კანონის“ 35<sup>1</sup> მუხლის მე-2 პუნქტის „ა“ ქვეპუნქტით გათვალისწინებული მახასიათებელი - „პიროვნული კეთილსინდისიერება და პროფესიული სინდისი“.

იმავე მუხლის მე-4 პუნქტით განსაზღვრული განმარტებების თანახმად, ბევრ სხვა კომპონენტსაც (პატიოსნება, კეთილსინდისიერება, გამჭვირვალობა, კორექტულობა და სიზუსტე სამსახურებრივი ან სხვა მოყალეობების, ფინანსური ან სხვა ვალდებულებების შესრულებისას (მაგალითად, თანამდებობის პირის ქონებრივი მდგომარეობის დეკლარაციის შევსებისას, ბანკის ან სხვა ვალის, კომუნალური ან სხვა გადასახადის, საგზაო მოძრაობის წესების დარღვევისთვის ჯარიმის გადახდისას) და სხვა) მოიცავს. ვინაიდან სხვა ინფორმაცია, რომელიც გააქარწყლებდა პრეზუმეციას, რომ „კანდიდატი“ აკმაყოფილებს ყველა ამ კომპონენტს, არ გამაჩნია.

შესაბამისად, მივიჩნიე, რომ კანდიდატი სრულად აკმაყოფილებს ორგანული კანონის 35<sup>1</sup> მუხლის მე-2 პუნქტის „ა“ ქვეპუნქტით გათვალისწინებული „პიროვნული კეთილსინდისიერებისა და პროფესიული სისდისის“ მახასიათებელს.

კანდიდატს ახასიათებს პიროვნული დამოუკიდებლობა, მიუკერძოებლობა და სამართლიანობა, გამოირჩევა პრინციპულობით, პიროვნული სიმტკიცით, გადაწყვეტილებათა დამოუკიდებლად მიღებისა და ზეგავლენის მიმართ შედეგობის მტკიცე უნარით.

შესაბამისად მივიჩნიე, რომ კანდიდატი სრულად აკმაყოფილებს ორგანული კანონის 35<sup>1</sup> მუხლის მე-2 პუნქტის „ბ“ ქვეპუნქტით გათვალისწინებული „დამოუკიდებლობის, მიუკერძოებლობისა და სამართლიანობის“ მახასიათებელს.

კანდიდატი არის გაწონასწორებული და კომუნიკაბელური, იგი ყოველთვის გამოირჩევა ტაქტიანობით და არასდროს გასცდენია ეთიკის ნორმებს, ამდენად, ყველა შესაძლო პროცედურის (დისციპლინური, სისხლის ან სხვაგვარი სამართლწარმოება) დროს, კანდიდატის ქცევა იქნება სათანადო, შექმნილი ფაქტობრივი/სამართლებრივი რეალობის ადგიკვატური.

შესაბამისად, მივიჩნიე, რომ კანდიდატი სრულად აკმაყოფილებს ორგანული კანონის 35<sup>1</sup> მუხლის მე-2 პუნქტის „გ“ ქვეპუნქტით გათვალისწინებული „პიროვნული და პროფესიული ქცევის“ მახასიათებელს.

კანდიდატი კოლეგებს შორის დიდი ავტორიტეტით, სიყვარულითა და პატივისცემით სარგებლობს, ამ დასკვნის გამაქარწყლებელი, ასევე - მოსამართლის სტატუსთან შეუთავსებელი ურთიერთობების შესახებ ობიექტური ინფორმაცია ან არგუმენტირებული ცოსაზრება ჩემთვის უცნობია.

შესაბამისად, მივიჩნიე, რომ კანდიდატი სრულად აკმაყოფილებს ორგანული კანონის 35<sup>1</sup> მუხლის მე-2 პუნქტის „დ“ ქვეპუნქტით გათვალისწინებული „პიროვნული და პროფესიული რეპუტაციის“ მახასიათებელს.

ყოველივე ზემოაღნიშნულიდან გამომდინარე, ვინადან მივიჩნიე, რომ კანდიდატი კეთილსინდისიერების კრიტერიუმის ოთხივე მახასიათებელს აკმაყოფილებს, ორგანული კანონის 35<sup>1</sup> მუხლის მე-15 პუნქტის „გ“ ქვეპუნქტით საფუძველზე მივედი იშ დასკვნამდე, რომ კანდიდატი ლალი აზაშმაძე სრულად აკმაყოფილებს კეთილსინდისიერების კრიტერიუმს.

##### **5. კანდიდატის შეფასება კომპეტენტურობის კრიტერიუმის მიხედვით:**

კანდიდატის შესახებ დოკუმენტური, ასევე - მისი საჯარო მოსმენის შედეგად მოპოვებული ინფორმაციის (იხ: ამ შეფასების მე-3 პუნქტი) და იუსტიციის უმაღლესი სკოლის შეფასების ანალიზიდან გამომდინარე, გაირკვა:

კანდიდატს გააჩნია მატერიალური და საპროცესო კანონმდებლობების, ადამიანის უფლებათა ევროპული სასამართლოს პრეცედენტული სამართლის სილიტისული ცოდნა. ამასთან, კანდიდატის საჯარო მოსმენისას გამოვლენილი შეცდომების/ხარვეზების შემთხვევების და კითხვების სირთულის გათვალისწინებით, ორგანული კანონის 35<sup>1</sup> მუხლის მე-3 პუნქტის „ა“ ქვეპუნქტით გათვალისწინებული „სამართლის ნორმების ცოდნის“ მახასიათებლის მიხედვით, შევაფასე 21 ქულით (მაქსიმალური - 25);

კანდიდატს გააჩნია ანალიტიკური აზროვნების კარგი უნარი და სასამართლო სისტემაში მუშაობის პროფესიული გამოცდილება. მას შესწევს უნარი საქმის რთული გარემოებები და სამართლებრივი მსჯელობა გასაგები ენით გადმოსცეს და მნიშვნელოვანზე გაამახვილოს ყურადღება.

აღნიშნული გარემოებების (ხარვეზის) გათვალისწინებით, მივიჩნიე, რომ კანდიდატი, ორგანული კანონის 35<sup>1</sup> მუხლის მე-3 პუნქტის „ბ“ ქვეპუნქტით გათვალისწინებული „სამართლებრივი დასაბუთების უნარის და კომუნიკაციის“ მახასიათებლის მიხედვით უნდა შეფასდე 22 ქულით (მაქსიმალური - 25 ქულა);

იუსტიციის უმაღლესი სკოლის დამოუკიდებელი საბჭოს შეფასებით, ლალი აბაშმაძის მიერ მომზადებული გადაწყვეტილებები, ხანდახან, მსოლოდ უმნიშვნელო კორექტირებას საჭიროებდა. იგი წერს სამართლებრივი, გასაგები და მარტივი ენით. ფაქტებსა და გარემოებებს ლოგიკურად აკავშირებს ერთმანეთან. პროექტების წერისას საქმის გარემოებებს აფასებდა სწორად, გამართულად

აყალიბებდა აზრს, თუმცა შეინიშნებოდა პუნქტუაციური და სტილისტური ხარვეზები. საპროცესო დოკუმენტები არ იყო გადატვირთული არამიზნობრივი, არარელევანტური მსჯელობით. ამასთან, მან უნდა განავითაროს წერილობითი გადმოცემის უნარი.

კანდიდატს აქვს უნარი საკმაოდ დამაჯერებლად, ლაკონურად, საინტერესოდ ჩამოაყალიბოს და მსმენელებამდე მთიტანოს თავისი ნააზრევი და სამართლებრივი მსჯელობა, გასაგები ენით გადმოსცეს და მხოლოდ მნიშვნელოვანზე გააძახვილოს ყურადღება. იუსტიციის უმაღლესი სკოლის დამოუკიდებელი საბჭოს შეფასებით, რეკომენდებულია, რომ განავითაროს აკადემიური მსჯელობის უნარი სამართლებრივი შეფასებების გაკეთებისას.

აღნიშნული გარემოებების (ხარვეზის) გათვალისწინებით, მივიჩნიე, რომ კანდიდატი, ორგანული კანონის 35<sup>1</sup> მუხლის მე-3 პუნქტის „გ“ ქვეპუნქტით გათვალისწინებული „წერისა და ზეპირი კომუნიკაციის უნარის“ მახასიათებლის მიხედვით უნდა შეფასდეს **18 ქულით** (მაქსიმალური - 20 ქულა);

კანდიდატი არის მრომისმოყვარე, გონიერაგახსნილი, გულისხმიერებით და პასუხისმგებლობის მაღალი გრძნობით გამორჩეული. შეუძლია პრობლემური საკითხის იდენტიფიკაცია, მისი სამართლებრივი კვალიფიკაცია და სწრაფად და ეფექტურად გადაჭრის სწორი სამართლებრივი გზის პოვნა.

აღნიშნული გარემოებების გათვალისწინებით, მივიჩნიე, რომ კანდიდატი, ორგანული კანონის 35<sup>1</sup> მუხლის მე-3 პუნქტის „ვ“ ქვეპუნქტით გათვალისწინებული „პროფესიული თვისებების“ მახასიათებლის მიხედვით უნდა შეფასდეს **15 ქულით** (მაქსიმალური 15 ქულა);

კანდიდატი პროფესიული წვრთნის პროგრამებში ხშირად მონაწილეობს; მას გააჩნია სათანადო ინტერესი ახალი ცოდნისა და უნარების შემენაზე, ზრუნავს თვითგანვითარებაზე, აქვს შესაბამისი საოფისე კულტურა და შემენილ ცოდნას წარმატებით იყენებს პრაქტიკაში. არ ეწევა სამეცნიერო საქმიანობას.

აღნიშნული გარემოებების გათვალისწინებით, მივიჩნიე, რომ კანდიდატი, ორგანული კანონის 35<sup>1</sup> მუხლის მე-3 პუნქტის „თ“ ქვეპუნქტით გათვალისწინებული „აკადემიური მიღწევების და პროფესიული წვრთნის“ მახასიათებლის მიხედვით უნდა შეფასდეს **9 ქულით** (მაქსიმალური 10 ქულა).

კანდიდატი არ მონაწილეობს სამართლებრივი სისტემისა და მართლმართების საკითხებზე სხვადასხვა ფორმატის დისკუსიებში, შეხვედრებსა და სემინარებში. არ ეწევა პედაგოგიურ საქმიანობას.

აღნიშნული გარემოებების გათვალისწინებით, მიძანია, რომ კანდიდატი, ორგანული კანონის 35<sup>1</sup> მუხლის მე-3 პუნქტის „ი“ ქვეპუნქტით გათვალისწინებული „პროფესიული აქტივობის“ მახასიათებლის მიხედვით უნდა შეფასდეს 0 ქულით (მაქსიმალური 5 ქულა).

აღნიშნულიდან გამომდინარე კომიტეტურობის კრიტიკულის მიხედვით,  
საერთო ჯამში, კანდიდატს ვანიჭებ 85 ქულას.

ლევანი თევზაძე